



唐詩卷五百

九十四

羅隱

吳越備史云隱字昭諫新登縣人本名橫凡十上不中

第遂更名從事湖南歷淮潤皆不得意乃歸新登及來

見王懼不見納遂以所為夏口詩標于卷末云一箇彌

衡容不得思量黃祖慢英雄之句王覽之大笑因加殊

遇一日隱寢疾王親臨撫問因題其壁云黃河信有澄

清日後代應難繼此才隱起而續末句云門外旌旗屯

羅隱

卷五百九十四

一

嘉興圖書館

卷五百九十四

羅隱

揚州

書

虎豹壁間章句動風雷繇是以紅紗罩其上其後果無
文嗣隱累官錢塘縣令尋授鎮海軍掌書記節度判官
鹽鐵發運副使授著作佐郎司勳郎中歷遷諫議大夫
給事賜金紫卒年七十七

按隱典桐廬章魯封齊名錢鏐初起以魯封為表奏孔目

官不就執之後以隱為錢塘令惧而受命因宴獻口號云云備史所云惧不見納標夏口詩于卷末者飾說也

全唐詩話云隱餘杭人隱池之梅根浦自號江東生為
唐相鄭畋李蔚所知畋女覽隱詩諷誦不已畋疑有慕
才意隱貌寢陋女一日簾窺之自此絕不咏其詩廣明

中池守竇滂營墅居之光啓中錢鏐辟為從事節度判
官副使朱全忠以諫議召不行開平中魏博羅紹威推
為叔父表授給事中年八十餘終餘杭有子蹇翁紀事
云隱虬鄰共場屋謂之三羅昭宗聞其名欲以甲科處
之有大臣奏曰隱雖有才然多輕易明皇聖德猶橫遭
乎譏謗將相臣僚豈能免乎凌轢帝問譏謗之詞對曰
隱有華清詩曰樓殿層層佳氣多開元時節好笙歌也
知道德勝堯舜爭奈揚妃解笑何其事遂寢又云江南

李氏嘗遣使聘越越人問見羅給事否使人曰不識亦
不聞名越人云四海聞有羅江東何拙之甚使人曰為
金榜上無名所以不知願雲依淮南高駢隱譏之夏飲于
海風亭雲曰青蠅被扇扇離席隱遽曰白澤遭釘釘在
門隱謝裴廷韓詩卷云澤國佳人惟粧半面營丘辨士
何用空籠其浮薄如此令狐滈趙公綯之子也登進士
隱以詩賀之趙公謂滈曰吾不喜汝及第喜汝得羅公
一篇耳隱知受于綯卒無成有詩哭之曰恩深無以報

底事是柴荆羅紹威襲父洪信為魏博節度使喜為詩
以隱有詩名厚禮之典通屬籍目己所為詩號偷江東
集如樓前淡淡雲頭日簾外蕭蕭雨脚風無愧隱矣翼
江常有二氣亘于江終夜不滅隱及杜建徽生氣不復
見議者以為文武秀氣

○曲江春感紀事作歸五湖

江頭日暖花又開江東行客心悠哉高陽酒徒半彫落
終南山色空崔嵬聖代也知無棄物侯門未允用非才

滿船明月一竿竹家住一作五湖歸去來

○皇陂

皇陂瀲灩深復深陂齒下馬聊登臨垂揚風輕弄翠帶
鯉魚日暖跳黃金三月窮途無勝事十年流水見歸心
輸他谷口鄭夫子偷得閒名直到今

○寄鄭補闕

夫子門前數仞牆每經過處憶遊梁路送青瑣無因見
恩在丹心不可忘未无便為諛口隔只因貪艸諫書忙

別來愁悴知多少兩度槐花馬上黃

○牡丹花

侶共東風一作君別有因絳羅高卷不勝春若教解語應

傾國任是無情亦一作也動人芍藥與君為近侍埤雅曰世稱牡丹

丹花王芍藥花相芙蓉何處避芳塵可憐韓令功成後辜負穠

華過此身藝苑雌黃曰韓弘罷宣武至長安第中有牡丹命劉之曰吾豈效兒女輩耶

○黃河

莫把阿膠向此傾此中天意固難明解通銀漢應瀆曲

絕出崑崙便不清高祖誓功衣帶小仙人占斗客槎輕
三千年後知誰在何必勞君報太平

○汴河

當時天子是閒遊今日行人特地愁柳色縱饒妝故國
水聲何忍到揚州乾坤有意終難會黎庶無情豈自由
應笑秦皇用心錯謾驅神鬼海東頭

○鹵京崇德里居

進乏梯媒退又難強隨豪貴帶長安風從昨夜吹銀漢

淚擬何門落玉盤拋擲紅塵慮有恨思量仙桂也無端
錦麟頰尾半生事却被閒人把釣竿

○投所思

顛顛長安何所為旅魂窮命自相疑滿川碧嶂無歸日
一榻紅塵有淚時雕琢只因勞郢匠膏肓終恐誤秦醫
浮生七十今三十從此悽惶未可知

○經張舍人舊居

英華作河中經故翰林張舍人
所居

行塵不是昔時塵謾向朱門憶侍臣一榻已無開眼處

九泉應有愛才人
文餘吐鳳他年詔
一作當年詔
樹想栖鳶

舊日春從此
恩深轉難報
一作更難報
夕陽衰州淚
一作獨沾

中

○ 雒城作

大鹵旌旗出洛濱
此中煙月已埃塵
更無樓閣尋行處
只有山川識野人
早得鑄金誇范蠡
旋聞垂釣哭平津
舊遊難得時
難遇迴首空城百州春

○ 姑蘓城南湖陪曹使君遊

水蓼花紅稻穗黃
使君蘭棹泛迴塘
倚風荇藻先開路
迎旆鳧鷖盡著行
手內兵符神典術
腰間金印綵為囊
少年太守勲庸盛
應笑燕臺兩鬢霜

○ 秋日有寄姑蘓曹使君

多病無因擢小舟
闔閭城下謁名侯
水寒不見雙魚信
風便唯聞五袴謳
早說用兵長暗合
近傳觀稼亦閒遊
須知謝奕依前醉
間阻清談又一秋

○ 送章碣赴舉

羅隱

羊鹿歌終別酒催粉闌星彩動昭回久經離亂心應破
乍覩昇平眼漸開顧我昔年悲玉石憐君今日蘊風雷
龍門盛事無因見費盡黃金老隗臺

○寄揚祕書

湖水平來見鯉魚偶因烹處得瓊琚披尋藻思千重後
吟想冰光萬里餘漳浦病來情轉薄赤城吟苦意何如
錦衣公子憐君在十載兵戈從校輿

○往年進士趙能卿嘗話金庭勝事見示叙

會稽詩客趙能卿往歲相逢話石城正恨故人無上壽
喜聞良宰有高情山朝佐命層層聳水接飛流步步清
兩火一刀罹亂後會須乘興雪中行

○得宣州竇尚書書因投寄二首

雙魚迢遞到江濱傷感南陵舊主人萬里朝臺勞寄夢
十年戾國阻趨塵尋知亂後嘗辭祿共喜閒來得養神
時見齊山敬亭客不堪戎馬戰征頻

曾逐旌旗過板橋世途多難竟蓬飄步兵校尉辭公府

車騎將軍憶本朝，醉裏舊遊還歷歷。病中衰髮奈蕭蕭，遺簪墮履應留念。門客如今只下僚。

○雪

細玉羅紋下碧霄，杜門頽卷落偏饒。一作顏卷巢居只

落偏饒

恐高柯折旅客愁，聞去路遙擬凍野蔬。和粉重掃庭松葉，帶酥燒寒窓呵筆尋詩句。一片飛來紙上銷。

○暇日有寄姑蘓曹使君兼呈張郎中郡中賓僚

嘉植一作陰陰覆劍池，此中能政動神祇。湖邊觀稼雨迎馬。

城外犒軍風滿旗，融酒徒誇無算爵。儵蓮還少竈高枝，珊瑚筆架真珠履。曾和陳王幾首詩。

○寄右省王諫議

耳邊要靜不得靜，心裏欲閒終未閒。自是宿緣應有累，可能時一作世事更相關。魚慙張翰辭東府，鶴怨周顒負北山。看却金庭芝朮老，又驅車入七人班。

焚書坑

千載遺蹤一窖塵，路傍耕者亦傷神。祖龍算事渾乖角。

將為詩書活得人

始皇陵

荒堆無艸樹無枝
嬾向行人問一作昔時六國英雄漫

多事到頭徐福是男兒

○送沈先輩歸家赴嘉禮英華作送沈光及第後東歸兼赴嘉禮

青青仙一作月桂觸人香
白苧衫輕稱沈郎好
繼馬卿歸

故里况聞山簡在
襄陽盃傾別岸應一作終
須醉花一作艸

傍征車漸欲芳
擬把金錢贈一作助
嘉禮不堪栖屑困名

場

○春日葉秀才曲江

江花江艸暖相隈也
向江邊把酒盃
春色惱人遮不得

別愁如瘡避還來
安排賤跡無良策
裨補明時望重才

一曲吳歌齊拍手
十年塵眼未曾開

○西京道德里

秦樹團團夕結陰
此中莊舄動悲吟
一枝丹桂未入手

萬里蒼波長負心
老去漸知時態薄時來唯願酒盃深

七雄三傑今何在休為閒人淚滿襟

○憶夏口

漢陽一作江渡口蘭為舟漢陽一作江城下多酒樓一作芳當一作

年不得盡一醉別夢有時還重遊襟帶可憐吞塞雁一作

楚風煙好是冷一作只江鷗月明更想曾行處吹笛橋

邊木葉秋

○武牢關

楚人曾此限封疆不見清陰六里長一壑算聲何怨望

數峰秋勢自顛狂由來四皓須神伏大抵秦皇謾氣強

欲學鷄鳴試閔吏太平時節謾思量

○途中獻晉州孟中丞

太平天子念蒲東又委星郎養育功昨日隼旗辭闕下

今朝珠履在河中樓移庾亮千山月樹待袁宏一扇風

不及政成應入拜晉州何足展清通

○長安秋夜

遠聞天子侶羲皇偶捨漁鄉入帝鄉五等列侯無故舊

一枝仙桂有風霜燈欵短焰燒離髮漏轉寒更滴旅腸
歸計未知身已老九衢雙闕夜蒼蒼

○春晚寄鍾尚書

宰府初開黍末塵四年談笑隔通津官資肯便矜中路
酒醖還應憶故人江畔舊遊秦望月檻前公事鏡湖春
如今莫問西城一作禪塢一炷寒香老病身

○秋晚寄友人

洞庭霜落水雲秋又汎輕連任去留世界高談今已得

宦途清貴舊曾遊手中綵筆誇題鳳天上泥封獎狎鷗

更見南來釣翁說醉吟還上木蘭舟

○秋為王師範日有酬英華作感德叔懷寄上羅鄰紀事作寄王師範

舊一作威業傳家有佩一作寶刀迅聞鐮力一作餘更揮毫腰

間印綬一作佩黃樞貴一作金重卷裏文章一作詩裁白雪高讌罷

佳賓吟鳳藻獵歸一作諸將問龍韜登壇甲子一作分

纔三十猶擬回頭賭錦袍一作標

○所思

按紀事止云求
一篇無為贈二
字乃王自求詩
非贈羅也統載
改題誤矣引注
不全情事損異
且詩之首句乃
贈王矣

梁王兔苑荆榛裏
場帝鷄臺夢想中
只覺惘然悲謝傳
未知何以報文翁
生靈不幸台星折
造化無情世界空
劃盡寒灰始堪歎
滿庭霜葉一牕風

○送魏校書兼呈曹使君

亂罹無計駐生涯
又事東遊惜惜一作歲華
邨店酒旗沽
竹葉野橋梅雨泊
蘆花響書發跡
官雖屈負米安親路
不賒應見使君論
世舊埽門重得向
轡家

四皓廟

漢惠秦皇事已聞
廟前喬木眼前雲
楚王謾費閒心力
六里青山盡屬君

學雲

溶溶曳曳自舒張
不向蒼梧即帝鄉
莫道無心便無事
也曾愁殺楚襄王

早發一作早行

北去南來無定居
此生計竟何如
酷憐一覺平明睡
長被雞聲惡破除

一作長被隣
雞半夜啼

詠香

沉水良材食柏珍，博山爐一作烟暖玉樓春。憐君亦是無
端物，貪作馨香忘却身。

鄴城

臺上年年揜翠蛾，臺前高樹夾漳河。英雄亦到分香處，
能共常人校幾多。

過江寧

一作過江寧廢縣

縣前水色細鱗鱗，一為夫君弔水濱。謾把文章矜後代，

可知榮貴是他人。鷺偷舊韻湏成曲，草賴餘吟盡醉春。

我亦有心無處說，等閒停棹似迷津。

夜泊金陵

一作夜泊江南

玉樹歌聲澤國春，纍纍錨重憶亡陳。垂衣端拱渾閑事，
恐把江山乞典人。

姊蘇臺

讓高泰伯開基日，賢見延陵復命時。未會子孫因底事，
解崇臺榭為西施。

羅隱

江南別

去年今夜江南別
鴛鴦翅冷飛蓬熱
今年今夜江北邊
鯉魚腸斷音書絕
男兒心事無了時
出門上馬不自知
寄聶尊師
欲芟荆棘種交梨
指畫城中日恐遲
安得紫青磨鏡石
與君閑處看榮衰

七夕

絡角星河齒齒天
一家歡笑設紅筵
應傾謝女珠璣篋

畫寫檀郎錦繡篇
香帳簇成排窈窕
金針穿罷拜嬋娟
銅壺漏報天將曉
惆悵佳期一作人又一年

送臧漬下第謁竇鄜州

賦得長楊不值錢
却來京口看鶯遷
也知絳灌輕才子
好謁尤元常醉少年
萬里故鄉雲縹緲
一春生計淚瀾洑
多情柱史應相問
典話歸心正浩然

清明日曲江懷友

君與田蘓即舊遊
我於交分亦綢繆
二年隔絕黃一作重

尤常謂李尤王常
也對上絳灌諸本
皆作尤

泉下盡日悲涼曲水頭鷗鳥自似一作能齊物理杏華疑
欲伴人愁寡妻稚子應寒食遙望江陵一淚流

○送鄭州嚴員外

欲將刀筆潤王猷東去先分聖主憂滿扇好風搖鄭圃
一車甘雨別皇州尚書磧冷鴻聲晚僕射陂寒樹影秋
從此文星在何處武牢關外庾公樓

○孫員外赴關後重到三衢

遠山高樹思悠哉重倚危樓盡一杯謝守已隨徵詔入

魯儒猶逐斷蓬來地寒謾憶移暄手時急方須濟世才
宣室夜闌如有問可能全忘未燃灰

○衡陽泊木居士廟下作

鳥噪殘陽艸滿庭此中枯木似人形只應神物長為主
未允浮槎即有靈八月風波飄不去四時黍稷薦惟馨
南朝庾信無因賦牢落祠前水氣腥

○鍾陵見楊秀才英華作見進士楊尋

孺亭滕閣少踟躕三度南遊一事無祇覺流年如鳥逝

潭應後水

此字諸本皆缺

不知何處有龍圖一作屠雲歸洪井枝柯飲水下漳江氣

色麗賴得典君同此醉醒醒爭奈被一作醒來柳榆

○自湘川東下立春泊口阻風登孫權城

吳門此去逾千里湘浦離來想數旬只見風師長占路

不知青帝已行春危憐壞堞猶遮水狂愛寒梅欲傍人

事往時移何足問且憑村酒暖精神

○春日憶湖南舊遊寄盧校書

旅榜前年過洞庭曾提刀筆事甘寧瑋筵離隔將軍幕

朱履頻窺處士星

校書自處士受命

思重匣中孤劍在夢餘江

畔數峰青金貂見鵬嘉賓散迴首昭丘一淚零

○賀淮南節度盧員外賜緋

儉蓮高貴九霄聞粲粲朱衣降五雲駝馬蚤年曾避路

銀魚今日且從軍御題緋一作綵服垂天眷袍展花心透

穀紋應笑當年老萊子鮮華都自降明君

○春日獨遊禪智寺

遠樹連天水接空幾年行樂舊隋宮花開花謝一作落還

羅隱

卷五百九十四

十六

原注皆有爾字
唐人語如此

一作如此人去人來自不同鸞一作鳳調高何處酒

吳牛蹄健滿車風思量只合騰騰醉煮海平陳一作盡

夢中

○和淮南李司空同轉運員外

層層高閣舊瀛洲此地須徵第一流丞相近年倚望

重才今日喜遨遊榮持健筆金黃貴恨咽離筵管吹秋

誰繼伊皋送行句梁王詩好郢人愁

○后土廟

後撰廣陵妖亂記云高駢末年召用之用事惑神仙云說江州中望上錄永年少謂此詩如馬本自後撰中望上錄永年少謂此詩如馬本自後撰

作托言人所題者以嘗在駢幕故諱之耳

四海乘戈尚未寧始於雲外學儀形九天玄女猶無聖

后土夫人豈有靈一帶好雲侵鬢綠兩層危岫拂眉青

常郎年少知何在端坐思量太白經本作常郎年少馳聞事案上休看太白經

○金陵夜泊

冷煙輕霧傍衰叢此夕秦淮駐斷蓬棲鳥遠驚沽酒火

亂鴉高避落帆風地銷王氣波聲急山帶秋陰樹影空

六一作代精靈人不見思量應在月明中

○上江州陳員外

羅隱

寒江九派轉城樓東下鍾陵第一州人自中一作臺方

貴盛地從西晉即風流舊班久望鶴晴翥餘力猶聞扁

夜浮應恨屬官無健令異時佳節阻閒遊

○廣陵揚州作開元寺閣上作

滿檻山川漾落暉檻前前事去如飛雲中鷄犬劉安過
月裏笙歌煬帝歸江感海門帆散出地吞淮口樹相依
紅樓翠幕知多少長向東風有是非

○上鄂州常尚書

往歲先皇馭九州侍臣才業寂風流文窮典誥雖餘力
俗致雍熙盡密謀蘭省換班青作綬柏臺前引絳為韞
都緣未負江山興開濟生靈校一秋

○早春巴陵道中

遠雪亭亭望未銷岳陽春淺似相饒短蘆冒土初生筍
高柳偷風已弄條波汎洞庭獮獺健谷連荆楚鬼神妖
中流菱唱泊何處一隻画船蘭作橈

○廣陵秋日酬進士臧漬見寄

驛西斜日滿窓罅

一作前

獨凭秋欄思渺然

一作綿

數尺斷

蓬慙故國一輪清鏡泣流年已知世事真徒爾縱有心
期亦偶焉空愧荀家好兄弟雁來魚去是因緣

○送淮南李司空朝覲

聖君宵旰望時雍丹詔西來雨露濃宣父道高

一作楚客歌狂

休歎鳳武侯才大本吟

龍

一作猶龍

九州似鼎終須負萬物

為銅祇待鎔臘後春前更何事便看經度奏東封

○秋日禪智寺見裴郎中題名寄常瞻

野寺疎鐘萬木秋偶尋題處認名侯官離南郡應閒暇
地勝東山想駐留百醖濃醪成別夢兩行垂露澣羈愁
心知只有常公在更對真蹤話舊遊

○廣陵春日憶池陽有寄

煙水濛濛接板橋數年經歷駐征橈醉凭危檻波千頃
愁倚長亭柳萬條別後故人冠獬豸病來知己賞鷓鴣
清流夾宅千家住會待閒乘一信潮

○春中湘中題岳麓寺僧舍

蟾宮扁穴兩皆休來凭危欄送遠愁一作多事林鶯還

謾語薄情邊雁不迴頭春融只待一作乾坤醉水濶深

知世界浮欲共高僧話心迹野花香一作艸奈相尤

○出試後投所知

此日蓬壺兩日程當時消息甚分明
梳頭曼倩催分髮摘待洪崖遣始行
島外音書應有意眼前塵土漸無情
莫教更侶西山鼠嚙破愁腸恨一生

○湘南春日懷古

晴江春暖蕙蘭薰鳧鷖冉冉鷗著群
洛陽賈誼自無命少陵杜甫兼一作有文
空濶遠帆遮落日蒼茫密樹礙歸雲
松醪酒好昭潭靜聞過中流一弔君

○江州望廬山

東南蒼翠何崔嵬橫流一望幽抱開
影寒已令水底去脚濶欲過湖心來
深處不唯容鬼怪暗中兼恐有風雷
僊人往往今誰在紅杏花香重首迴

○金陵寄竇尚書

二年岐路有西東長憶優游楚驛中虎帳談高無客繼
馬卿官傲少人同世危肯使依劉表山好猶能憶謝公
此去此息言不得謾將閒淚對春風

○清溪江令公宅

蠻牋象管夜深時曾賦陳宮第一詩宴罷風流人不見
廢來蹤跡州何置應知鶯憐勝事啼空卷蝶戀餘芳舞
好枝還有往年金甃井牧童樵叟等閒窺

○鄭州獻盧舍人

時本官王令公
收復兩京後

海槎閒暇閨風輕不是安流不肯行鷄省露濃湯餅熟
鳳池煙暖詔書成漁籌已合光儒夢堯印何妨且治兵
會待兩都收復後右圖儀表左題名

○別池陽所居

黃塵初起此留連火耨刀耕六七年兩夜老農傷水旱
雪晴漁父共舟船已悲世亂身須去肯愧途危跡屢遷
却是九華山有意列行相送到江邊

○送內使周大夫自杭州朝貢

八一作都上將近平戎便附輜軒奏聖聰三變殿一作駕

前朝觀禮一函江表戰征功雲間一作閨闕一作苑何時

見水底一作到一作瑤池觸處通知有殿庭餘力在莫辭消息

寄西風吳越朝中及由海道故五六句云

○酬黃從事懷舊見寄

舊遊不合到心中把得君詩意亦同水館酒闌清夜月

香街人散白楊風長繩繫日雖難絆辨口談天不易窮

世事自隨蓬轉在思量何處是飛蓬

○詠繡

一片絲羅。洞房西室女一作練一作勞花隨玉指添

春色鳥逐金鍼長羽毛蜀錦謾誇散自貴越綾虛說價

葉枝枝不礙刀

吳二
秋三字

西施

家國興亡自有時吳人何苦進一作怨一作西施西施若解傾

吳國越國亡來又是誰

自遣

羅隱

八一作都上將近平戎便附輜軒奏聖聰三變殿一作駕

前朝觀禮一函江表戰征功雲間一作歸閨闕一作苑何時

見水底一作到瑤池觸處通知有殿庭餘力在莫辭消息

寄西風吳越朝貢中原由海道故云云

○酬黃從事懷舊見寄

舊遊不合到心中把得君詩意亦同水館酒闌清夜月

香街人散白楊風長繩繫日雖難絆辨口談天不易窮

世事自隨蓬轉在思量何處是飛蓬

○詠繡

一片絲羅。洞房西室女一作勞花隨玉指添

春色鳥逐金鍼長羽毛蜀錦謾誇散自貴越綾虛說價

功高可中用作鴛鴦被紅葉枝枝不礙刀

西施

家國興亡自有時吳人何苦進一作怨西施西施若解傾

吳國越國亡來又是誰

自遣

得即高歌失即休
多愁多恨亦悠悠
今朝有酒今朝醉
明日愁來明日愁

白角篋

白似瓊瑤滑似苔
隨梳伴鏡拂塵埃
莫言此箇尖頭物
幾度撩人惡髮來

銅雀臺

強歌強舞竟難勝
花落花開淚滿
繒
祇合當年伴
君死免教憔悴望西陵

鸚鵡

莫恨雕籠翠羽殘
江南地暖隴西寒
勸君不用分明語
語得分明出轉難

金錢花

占得佳名繞樹芳
依依相伴向秋光
若教此物堪收貯
應被豪門盡劖將

紅梅

天賜胭脂一抹腮
盤中磊落笛中哀
雖然未得和羹便

諸本題止一梅字
予字類紅字而誤
詩本詠梅實也

曾與將軍止渴來

巫山高

下鑿重泉上千仞香雲結夢西風緊縱有精靈得往來
狃輒鼉軒亦顛隕嵐光雙雙雷隱隱愁為衣裳恨為髮
暮灑朝行何所之江邊日月情無盡珠零冷露丹墮楓
在滿細腰長臉愁深宮人生對面猶異同况在千巖萬壑中

酬高崇節

舊遊雖一夢別緒忽千般敗草湯陵晚衰槐楚寺寒數

奇常自愧時薄欲何干猶賴君相勉慙慙貢禹冠

贈宣武盧從事

前年帝里望一作從行塵記得仙家第四人泉煖舊諳龍
偃息露寒初見鶴精神歌聽上榻梁園晚夢遠殘鐘記
水春知有篋中編集在只應從此是經綸

今

唐詩卷五百九十五

羅隱

○錢尚父生日

大鼎分光降斗牛
興唐宗社作諸侯
伊夔事業扶千載
韓白機謀冠九州
貴盛上持龍節鉞
延長應續鶴春秋
錦衣玉食將何補
更俟莊椿一舉頭

○寄前戶部陸郎中


出副桑雉入朝簪
瀟灑清名映士林
近日篇章欺

一作期

羅隱

卷五百九十五

一



白雲早年詞賦得黃金桂堂縱道探龍頷蘭省何曾駐
鶴心罹亂事多人不會酒濃花暖且閒吟

○登瓦棺寺閣

下盤雲跡上雲浮偶逐僧行步步愁暫憩已知須用意
漸來爭恐不回頭煙鐘一作樹老重江晚林鐸一作外風
輕四境秋嬾指臺城更東望鵲飛龍闔盡荒丘

○九華山費徵君所居

艸堂何處試裴徊見說遺蹤向北開蟾榭自歸一作啼一作三

徑後鶴書曾降九天來白雲事跡依前在一作雖青瑣
光陰竟不迴盡夕為君思曩一作日野泉鳴咽路莓苔

○途中寄懷

不知何處是前程合掌騰騰信馬行西鬢已衰時未與
數峰雖在病相嬰塵埃鞏洛虛光景詩酒江湖謾姓名
試哭軍門看誰問舊來還侶禰先生

○京口見李侍郎

嗟嗟江柳欲矜春鐵甕城邊見故人屈指不堪言甲子

披風常記是庚申別來且喜身俱健亂後休悲業盡貧
還有杖頭沽酒物待尋山寺話逡巡

○秋日酬張特玄

病寄南徐兩地秋故人依約亦揚州偶因雁足思閒事
擬棹孤舟訪舊遊風急幾聞江上笛月高誰共酒家樓
平生意氣消磨盡并露軒前看水流

○登高詠菊盡

一作李山甫詩

籬畔霜前偶得存苦教逢晚避蘭蓀能銷造化幾多力

不受陽和一點息生處豈容依玉砌要時還許上金罇
陶公沒後無知己露滴幽叢見淚痕

○登夏州城樓

寒聲

一作城

獵獵戎旗風獨倚危欄悵望中萬里山川唐

土地千年魂魄晉英雄離心不恐聽邊馬往事應須問
塞鴻好脫儒冠從校尉一枝長戟六鈞弓

○水邊偶題

野水無情公不早一作回水邊花好為誰開只知事逐眼

前去一作不覺老從頭上來窮侶丘軻休歎息達如周
召亦塵埃思量此理何人會家日作邑先生最有才

○故洛陽公鎮大梁時隱得遊門下今之經歷事

往人非聊抒所懷以傷以謝

孤舟欲泊思何窮曾憶西來值雪中朱履少年初滿座
白衣遊子也從公狂拋賦筆瑠璃冷醉倚歌筵瑇瑁紅
今日斯文向誰說淚碑棠樹兩成空

○杜陵秋思

南望高於北帝都兩堪棲託兩無圖只聞斥逐張公子
不覺悲同楚大夫巖畔早涼生紫桂井邊踈影落高梧
一杯添酒他年憶瀝向清波寄五湖

○隱常在江陵忝故中令白公叨蒙知遇今復重

過渚宮感事悲身遂成長句

往歲鄴侯鎮渚宮曾將清律暖孤蓬才憐曼倩三冬後
孰許由基一箭中言重不能輕薄命地寒終是立春風
鳳凰池卷台星拆迴首岐山憶至公

數本皆作也合

羅隱

卷五百九十五

四

○夜泊昆陵無錫縣有寄

艸蟲幽咽樹初團獨繫孤舟夜已闌濁浪勢奔吳苑急
疎鐘聲徹惠山寒愁催鬢髮凋何易貧戀家鄉別漸難
他日親朋應大笑始知書劍是無端

○桃花

集作桃花
吹作杏花

暖觸衣襟漠漠香間梅遮柳不勝芳數枝艷拂文君酒
半里紅欹宋玉墻盡日無人疑悵望有時經雨下淒涼
舊山山下還如此迴首東風一斷腸

○籌筆驛

拋擲南鄉

一作陽

為主憂北征東討盡良籌時來天地皆

同力運去英雄不自由千里江山輕孺子兩朝冠劍恨
譙周唯餘岳下多情水猶解年年傍驛流

○重過隨州故兵部李侍郎恩知因抒長句

莊周高論伯牙琴聞夜思量淚滿襟四海共誰言近事
九原從此負初心鷗翻漢浦風波急雁下鄖溪霧雨深
慙愧蒼生還有意解歌襦袴至今

○商於驛樓東望有感

山川去接漢江東
曾伴隋戾醉此中
歌遠夜梁珠宛轉
舞嬌春席雪朦朧
棠遺善政陰猶在
薤送哀聲事已空
惆悵知音竟難得
兩行清淚白揚風

○寄南城常逸人

杜甫詩中常曲花至今無賴向一作尚家家美人曉折露
沾袖公子醉時香滿車
萬里丹青傳不得
二年風雨恨無涯
羨他南澗高眠客
春去春來任物華

○梅花

吳王醉處十餘里
照夜一作野拂衣今正繁
經雨不隨山鳥散
倚風如共路人言
愁憐粉艷飄歌席
靜愛寒香撲酒樽
欲寄所思無好信
為君惆悵又黃昏

○淮南高駢所造迎僊樓

鸞音鶴信杳難迴
鳳駕龍車早晚來
仙境是誰知處所
人間空自造樓臺
雲侵朱檻應難到
蟲網閒牕永不開
子細思量成底事
露迎風擺作塵埃

○和禪月大師見贈

高僧惠我七言詩頓豁塵心展白眉
侶谷中花媚日清如潭底月圓時
應觀法界蓮千葉肯折人間挂一枝
漂蕩秦吳十餘載因循猶恨識師遲

○謁文宣王廟

晚來乘興謁先師松柏淒淒人不知
九仞蕭牆堆瓦礫三間茅殿走狐狸
雨霖狀似悲麟泣露滴還同歎鳳悲
倘使小儒名麗立在橋宣教吾道受栖遲

○代文宣王荅

三教之中儒最尊止戈為武武尊文
吾今尚自披篋笠你等何須讀典墳
釋氏寶樓侵碧漢道家宮殿拂青雲
若教顏閔英靈在終不羞他李老君

○重送閬州張員外一作閬州

朱輪此去正春風且駐青門一作聽斷蓬一榻
早年容

孺子隻旌今日別文翁誠知汲善心常在
爭奈干時跡

轉窮酬德酬恩兩無路謾勞惆悵鳳城東一作汲典

○廣陵秋夜讀進士常修三篇因題
入蜀歸吳三首詩藏於笥篋重於師劍閣夜讀相如聽
瓜步秋吟場帝悲景物也知輸健筆時情誰不許高枝
明年二月春風裏江島閒人慰所思

○逼試投所題

挑在僊翁舊苑傍暖煙輕靄撲人香十年北地頻偷眼
二月春風最斷腸曾恨夢中無好事也知囊裡有仙方
尋思仙骨終難得始與回頭問玉皇

○漢江上作

漢江波浪淥於苔每到江邊病眼開半雨半風終日恨
無名無跡幾時回雲生岸谷秋陰合樹接帆檣晚思來
對此空慙聖明代恐教纓上有塵埃

○秋夜寄進士顧崇

秋河耿耿夜沉沉往事三更盡到心多病謾勞窺聖代
薄才終是費知音家山夢後帆千尺塵土搔來髮一簪
空羨良朋盡高價可憐東箭與南金

○寄渭北徐從事

暖雲慵墮柳垂條
駝馬徐郎過渭橋
官秩舊參荀秘監
樽壘今伴霍嫖姚
科隨鵠箭頻曾中
禮向戾弓以重招
莫恨東風促行李
不多時節却歸朝

○徐寇南逼感事獻江南知己次韻

酒闌離思浩無窮
西望維陽憶次公
萬里飄零身未了
一家知獎意曾同
雲橫晉國塵應暗
路轉吳江信不通
今日便成盧子諫
滿襟珠淚墮霜風

○寄三衢孫員外

小敷文伯見何時
南望三衢渴復飢
天子未能崇典誥
諸生徒欲戀旌旗
風高綠野苗千頃
露冷平樓酒滿卮
盡是數旬陪奉處
使君爭肯不相思

○淮南送盧端公歸臺

鳶凰勢逸九霄寬
北去南來任羽翰
朱紱兩駝王儉府
繡衣三領杜林官
道從上國曾匡濟
才向牢盆始重難
應笑張綱謾生事
埋輪不得在長安

七絕句八首

煬帝陵

入郭登橋出郭船紅樓日日柳年年君王恐把平陳業
只換雷塘數畝田

馬嵬坡

一作

佛屋前頭野艸春貴妃輕骨此為塵從來絕色知難得
不破一作中原未是人

柳

灞岸晴來送別頻相偎相倚不勝春自家飛絮猶無定

爭解垂絲絆路人

一作爭把長條伴得人

隋堤柳

夾路一作依依千里

一作十里

遙路人回首認隋朝春風未借一作宣

華意猶費工夫長綠條

孟浩然墓

英華作孟先生

數步荒榛

一作接舊蹊

寒江

一作郊

漠漠艸萋萋

一作雨

鹿門

黃土無多少恰列書生塚便低

秦紀

煬帝陵

八郭登橋出郭船紅樓日日柳年年君王恐把平陳業
只換雷塘數畝田

馬嵬坡

佛屋前頭野州春貴妃輕骨一作香此為塵從來絕色知難得

不破一作得中原未是人

柳

灞岸晴來送別頻相偎相倚不勝春自家飛絮猶無定

爭解垂絲絆路人

一作爭把長條伴得人

隋堤柳

夾路一作依依千里一作遙路人回首認隋朝春風未借一作宣

華意猶費工夫長綠條

孟浩然墓 英華作孟先生

數步荒榛一作接舊蹊寒江一作郊一作漠漠州萋萋一作雨 鹿門

黃土無多少恰列書生塚便低

秦紀

羅隱

卷五百九十五

十

長策東鞭極海隅
鼉鼉奔走鬼神趨
憐君未到沙丘日
肯信人間有死無

仙掌

掌前流水駐無痕

一作塵

掌下軒車日日新
謾向山頭高

舉手何曾招得路
行人

送汝州李中丞十二韻

群盜方為梗
分符奏未寧
黃巾攻郡邑
白挺掠生靈
塵土周畿暗
瘡痍汝水腥
一丸雖剪滅
數縣尚凋零
理元

咨寬猛謀須藉典刑
典能總物論慎選
忽天庭官品尊
臺秩山河擁福星
虎知應去境牛在肯
全形舊政窮人
瘼新銜展武經
閔防秋草白城壁
晚峰青破膽
期來復
迷魂想待醒
魯山行縣後
聊為奠惟馨

送朗州張員外

聖朝綸閣最延才
湏牧生民始入來
鳳藻已期他日用
隼旗應是隔年回
旗飄峴首嵐光重
酒奠湘江杜魄哀
腸斷秦原二三月
好花全為使君開

○詠月

湖上風高動白蘋暫延清景此逡巡隔年為別成一作因
何事半夜相看侶故人蟾向靜中矜爪距兔一作於一作明
慶弄精神常娥老大應惆悵倚泣一作獨倚蒼蒼挂一輪

○宿荊州江陵館驛

西遊象闕媿知音東下荆溪稱越吟風動芰荷香四散
月明一作高樓閣影相侵聞歌別枕千般夢醉送征帆萬
里心薜荔衣裳木蘭檝異時煙雨好追尋

○撫州別阮兵曹

雪晴天外見諸峰幽軋行輪有去蹤內史宅邊今獨恨
步兵厨畔舊相容十年別髮疑朝鏡千里歸心著晚鐘
若不他時更青眼未知誰肯薦臨邛

○新安投所知

少年容易捨樵漁曾辱明公薦子虛漢殿夜寒時不食
宋都風急命何踈雲埋野艇吟歸去艸沒山田賦遂初
長劍一尋歌一奏此中爭肯為鱸魚

○江邊有寄

江邊舊業半凋殘，每軫歸心即萬端。
狂折野梅山店暖，醉聽一作吹邠笛酒樓寒。
只言聖代謀身易，爭奈貧儒得路難。
同病同憂更何事，為君提筆畫漁竿。

○送友人歸夷門

二年流落大梁城，每送君歸即有情。
別路筭來成底事，舊遊言著似前生。
一作苑荒嬾認詞人會，門在空憐烈士名。
至竟男兒分應定，一作足不須惆悵谷中鶯。

○湘中見進士喬翊一作翊

吳公臺下別經秋，破虜城邊暫駐留。
一笑有情堪解夢，數年無處一作故不同遊。
雲牽楚思橫魚艇，柳送鄉心入酒樓。
且酌松醪依舊醉，誰能相見向春愁。

○上澧州裴郎中

貴提金印出咸秦，瀟灑江城兩度春。
一派水清疑見膽，數重山翠欲留人。
望崇早合歸黃閣，詩好何妨戀白蘋。
自是受恩心未足，却垂雙翅羨吳鉤。

○錢塘江潮

怒聲洶洶勢悠悠羅刹江邊地欲浮漫道往來存大信
也知翻覆向平流任狂一作拋巨浸疑無傾一作底猛過西

陵似一作有頭至竟朝昏誰主掌好騎赤鯉問陽侯

○送人赴職任襄中

物態時情難重陳夫君此去莫傷春男兒只要有知己
才子何堪更問津萬轉江山通蜀國西行珠翠見襄人
海棠花謝東風老應念京都共苦辛

○臨川投穆中丞

試將生計問蓬根心委寒灰首戴盆翅弱未知三島路
舌頑虛掉五侯門嘯煙白狄沉高木擣月清砧觸旅魂
家在碧江歸不得十年漁艇長苔痕

○早春送張坤歸大梁

英華作早春送
木梁盧道事

蕭蕭羸馬立塵埃又送歸軒向吹臺別酒莫辭今夜醉

一作故人知是幾時回一作泉經華岳猶應凍花到梁

園始合開為謝一作東門抱閨吏一作不堪一作惆悵

滿離杯

○東歸途中作

邛橘蒼黃覆釣矶
早年生計近年違
老知風月終堪恨
貧覺家山不易歸
別雁客帆和岸落
遠程霜葉向人飛
買臣嚴助精靈在
應笑無成一布衣

○送進士臧漬下第後歸池州

賦成無處換黃金
却向春風一作東遊動越吟
天子愛才雖
仄席諸生多病又
沾襟柳攀灞岸狂
遮袂水憶池陽漾

滿心珍重綵衣歸
正好莫將閒事繫
升沉

○湘中贈范鄩

丹桂無心彼此諳
二年踈嬾共江潭
愁知酒醜終難捨
老覺人情轉不堪
雲外鷓鴣非故舊
眼前膠漆是煙嵐
勞歌一奏一作曲霜風算擊折
湘妃白玉簪

○寄張侍郎

衰羸豈合話荊州
爭奈恩多不自由
無路重趨桓典馬
有詩曾上仲宣樓
塵銷別跡堪垂淚
樹拂他門嬾舉頭

羅隱

一種人間太平日獨教零落憶滄洲

○渚宮秋一作思

楚城日暮煙靄深楚人駐馬還登臨
王臺下水無賴神女廟前雲有心
千載是非難重問一江風雨好閒吟
欲招屈宋當時魄蘭敗荷枯不可尋

○閒居早秋

槐杪清疎烟雨餘蕭蕭涼葉墮
衣裾噪槎鳥散沈蒼嶺
美杵風高上碧虛百歲夢生悲
蛺蝶一朝香死泣芙蓉

六宮誰買相如賦團扇恩情日日疎

○建康

潮平遠岫艸侵沙東晉衰來最可嗟
庾舅已能窺帝室一作王郎都還是預人家
山寒老樹啼風雨泉暖枯骸動
並一作齒牙欲起九原看一遍秦淮聲急日西斜

○送舒州宿松縣傅少府

離江漠漠樹重重東過清淮到宿松
縣好也知臨浣水官閒應得看瀟峰
春生綠野一作吳歌怨雪霽平郊楚

酒濃留取餘盃待張翰明年歸棹一從容

○經故洛陽城

敗垣危堞跡依稀試駐羸驂弔落暉跋扈已成梁冀在
簡書難一作問杜喬歸由來世事須翻覆未元餘才解
是非千載昆陽好功業典君門下作恩威

以已通用
唐人多從
右軍書作
以故舊本
皆作以

○夏州胡常侍

百尺高臺勃勃州大刀長戟漢諸侯征鴻過盡邊雲濶
戰馬閒來塞州秋國計已推肝胆許家財不為子孫謀

猶由亦通舊
本皆作由

仍聞隴蜀猶多事深喜將軍未白頭

○寄進士盧休

半年池口恨萍蓬今日思量已夢中遊子馬蹄難重到
故人尊酒典誰同山橫翠後千重綠蠟想歌時一燼紅
從此客程君不見麥秋梅雨遍江東

○贈先輩令狐補闕高

中年聲跡早薰然阻避鈞衡過十年碧海浪高終濟物
蒼梧雲好已歸天花迎綵服離鷺谷柳傍東風觸馬鞭

羅隱

應念淒涼洞庭客夜深雙淚憶漁船

○送秦州從事

一枝何足解人愁拋却還隨定遠侯紫陌紅塵今別恨
九衢馮闕夜同遊芳時易失勞行止良會難期且駐留
若到邊城有來使試披書尾話梁州

通作駐

○湖州裴郎中赴闕後投簡寄友生

錦帳郎官塞詔年汀州曾駐木蘭船
禰衡酒醒春瓶倒柳暉詩成海月圓
歌感遠山珠滴滴漏催香燭淚漣漣

使君入拜吾徒在宣室他時豈偶然

○秋日泊平望驛寄太常裴郎中

蘋洲重到香難期倚郵亭憶往時北海樽中常有酒
東陽樓上豈一作無詩地清每負生靈望官重方升禮

通作香西
是不改者
似此

○西塞山在武昌界孫吳以之為西塞

樂司聞說江南舊歌曲至今猶自唱吳姬

吳塞當時指此山吳都亡後水一作孱顏嶺梅乍暖殘

妝恨沙鳥初晴小隊閒波濶魚龍應混雜
巒危後抗正

正一作好一作頑會將一副寒蓑笠來與漁翁作往還

○秋日汴河一作客舍酬友人

梁宋追遊早歲同偶然違一作別事皆空年如流水催

何急道侶危逢動即窮醉舞且欣連夜月狂吟還聚上

樓風煩君更枉騷人句白鳳靈地滿袖一作中

○東歸

仙桂高高似有神貂裘敝盡取無因唯將白髮期公道

一作不覺丹枝屬別人雙闕往來慙請聘一作謁

五湖歸後恥交親盈盤紫蟹千卮酒添得臨歧一作淚

滿中

○廣陵一作李僕射借示近詩因投獻

朝論國計算論兵餘力由一作隨鳳藻生語繼盤盃拋

俗格氣兼河岳帶商散閒尋綺思千花麗靜想高吟六

義一作清天一作柄已持堯典在更堪回首問一作緣

情

○重過三衢哭孫員外

羅隱

爛柯山下恁重到雙桂樓前日欲殘華屋未移春照灼
故侯何在淚汎瀾不唯濟物工夫大長憶容才尺度寬
一慟旁人莫相笑知音衰盡路行難

○篋中得故王郎中書

鳳里前年別望郎丁寧唯恐滯吳鄉勸踈杯酒知妨事
乞典書題作累糧羊鹿未能移海曲縣花尋已落河陽
九原自此無目見反覆貴從淚萬行

淚
七絕
六首

遍臉橫頤咽復勻也曾譔毀也傷情自從魯國潛然後
不是奸人即婦人

子規

銅梁路遠州青青此恨那堪枕上聽一種有冤猶可報
一作無不如銜石疊滄溟

王濬墓

男兒未必盡英雄但到時來即命一作命通若使吳都有一作猶
王氣將軍何處立殊功

爛柯山下忍重到雙桂樓前日欲殘華屋未移春照灼
故侯何在淚汎瀾不唯濟物工夫大長憶容才尺度寬
一慟旁人莫相笑知音衰盡路行難

○篋中得故王郎中書

鳳里前年別望郎丁寧唯恐滯吳鄉勸踈杯酒知妨事
乞典書題作累糧草鹿未能移海曲縣花尋已落河陽
九原自此無因見反覆遺蹤淚萬行

逼臉橫頤咽復勻也曾謔毀也傷情自從魯國潛然後
不是奸人即婦人

子規

銅梁路遠州青青此恨那堪枕上聽一種有冤猶可報
一作無不如銜石疊滄溟

王濬墓

男兒未死盡英雄但到時來即命通一作若使吳都有一作
王氣將軍何處立殊功

京中晚望

心如野鹿跡如萍謾向人間性一靈往事不知多少夢
夜來和酒一時醒

寄竇澤處士二首

蘭亭醉客舊知聞欲問平安隔海雲不是金陵錢太尉
世間誰肯更容身

鼇背樓臺拂白榆此中接客亦踟躕牛一作山道士無
仙骨却向人間作酒徒

○湘妃廟

劉表荒碑斷水濱廟前幽艸閉殘春已將怨淚流斑竹
又感悲風入白蘋八族未來誰北拱四凶猶在莫南巡
九峰相似堪疑處望見蒼梧不見人

○燕昭王墓

戰國蒼茫難重尋此中踪跡想知音強停別騎山花曉
欲吊遺魂野艸深浮世近來輕駿骨高臺何處有黃金
思量郭隗平生事不殉昭王是真心

人日新安道中見梅花

其年以徐寇停舉

長途酒醒臘天寒嫩
藥香英撲馬鞍不上壽陽公主面
憐君開得却無端

唐詩卷五百九十六

羅隱

省試秋風生桂枝

涼吹從何起中宵景象新
漫隨雲葉動高傍桂枝生
漠漠看無際蕭蕭別有聲
遠吹斜漢轉低拂白榆輕
寥沉工夫大乾坤歲序更
因悲未歸客長望一枝榮

思故人

故人不可見聊復拂鳴琴
鵲遠風枝急螢藏露艸深
平

羅隱

卷五百九十六

一

生四方志此夜五湖心惆悵友朋盡洋洋漫好音

寄陸龜蒙

李相公在淮南徵陸龜蒙詩

龍樓李丞相昔歲仰高文黃閣尋無主青山竟未焚夜
船乘海月秋寺伴江雲却恐塵埃裏浮名點汚君

題方干詩

中間李建州夏汭偶同遊顧我論佳句推君最上流九
霄無鶴板雙鬢老漁舟世難方如此何當浣旅愁

紀事云頻與里人方干善云門人統載誤也

秋江

秋江待晚潮客思旆旌搖通細雨翻蘆葉高風却柳條兵
戈邨落破飢儉庠狼驕吾土兼連此離魂望裡銷

寄制誥李舍人

梁王握豹韜雪裏見枚臯上客趨丹陛遊人歎二毛門
間知待詔星動想濡毫一首長揚賦應嫌索價高

秋日懷孟夷庚

秋日黃陂下孤舟憶共誰江山三楚分風雨二妃祠知
已秦貂沒流年賈鵬悲中原正兵馬相見是何時

送李右丞分司東城

分曹得洛川，讜議更昭然。左省曾批勅，中臺肯避一作畏

摧所悲時漸薄，共賀道由一作尤全。賣典清平代，相兼值幾錢。

郴江遷客

不是逢清世，何由見阜囊。事雖危，肅尾名勝泊。一作鴛

行毒霧，郴江濶。愁雲楚驛長，歸時有詩賦。一為弔沅一作

沈湘

感舊

紀事云：隱受知於令狐綯，此詩綯作。

劍佩孫弘閣，戈鋌太臈營。重言虛有位，孤立竟無成。丘
壠笳簫咽，池臺歲月平。此恩何以報，歸處是柴荆。

鷹

越海霜天算，辭韜野艸乾。俊通司隸職，嚴奉武夫官。眼
惡藏鋒在心麤，逐物殫近來脂膩足，驅遣不妨難。

秋日寄狄補闕

紅塵擾擾間，立馬看南山。謾道經年往，何妨逐日閒。病
中霜葉赤，愁裏鬢毛斑。不為良知在，驅車已出關。

惠觀自注

公乘億官侍郎
未嘗為侍御即
見統載序

寄易定公乘億侍御侍御有明皇再見阿蛮賦及龍池柳賦時稱冠絕也

謝舞仍宮柳高竒世少隻侍中生一作坐不到園令死須

迷邦

寄大理徐郎中

佐棘竟誰同因思證聖中證聖中徐有功為大理少卿執法平恕鹿城主簿潘好禮

著論以事難忘顯報理合有陰功官序詵枝老幽塵一作

涯范既空幾時潘好禮重典話清風

別本皆多字惟
新本東集有
注寫於下

寄蕪拾遺

拾遺許公之後今猶居開元中舊第

早歲長楊賦當今一作諫獵書格高時輩伏言數一作宦情

踈慷慨傳丹桂艱難保舊居退朝應課能望

馬相如

寄許融

一作蕭於驛典于韞玉話別

多病仍踈拙唯君與我同帝鄉年共老江外一作業俱

空燕冷辭華屋蟬涼咽晚叢一作白雲高幾許全

屬采芝翁

羅隱

寄禮部鄭員外

樂部門風大裴王禮樂優班資冠雞舌人品壓龍頭夜
直爐香細晴編疏州稠近聞潘散騎三十二悲秋

菊

籬落歲云晏數枝聊自芳雪裁織藻密金拆小苞香千
載白衣酒一生青女霜春鼓莫輕薄彼此有行藏

臺城

水國春常在臺城夜未寒麗華承寵渥江令捧杯盤宴

罷明堂爛詩成寶炬殘兵未吾有計金井玉構攔

舊遊

良時不復再漸老更難言遠水猶經眼高樓似折魂依
依宋玉宅歷歷長卿邨今日空江畔相於只酒樽

寄虔

一作州薛大夫

祝融峰下別三載夢魂勞地轉南康重官兼亞相高海
鵬終負日神馬背眠槽會得窺成績幽牕添兔毫

蘓小小墓

羅隱

卷五百九十五

五

魂兮攜李城猶未有人畊好月當年事殘花觸處情向
誰曾艷冶隨分得聲名應待吳王日一作宴蘭橈暗送迎

寒食日早春

一作城東

青門欲曙天車蓋已喧闐禁柳搖風細墻花拆露鮮惟
言一作向誇麗景只是歎一作此是流年不得高飛便迴頭望

紙鳶

秋日懷賈隨進士

一作塚

邊寇日騷動故人音信稀長纓慙賈誼孤憤憶韓非曉

匣魚腸冷春園鴨掌肥知君安未得聊且示忘機

亂後逢友人

滄海去未得倚舟聊問津生靈寇盜盡方鎮改更貧夢
裏舊行處眼前一作新貴人從來事如此君莫獨沾巾

殘花

已歎良時晚仍悲別酒催暖芳隨日薄輕片逐風迴黛
臉愁歌扇粧殘泣鏡臺綠陰莫矜銜終是共塵埃

秋日富春江行

羅隱

卷五百九十六

六

遠岸平如翦澄江靜侶鋪紫鱗仙客馭金顆李衡奴冷
疊舞山濶清涵萬象殊嚴陵亦高見歸臥是良圖

寄侯博士

規諫揚雄賦遭迴賈誼官久貧還往少孤立轉遷難清
鏡流年急高槐旅舍寒侏儒亦何有飽食向長安

送沈光

一作侍御赴職闕中

未至應居右全家出帝鄉禮優逢苑雪官重帶臺霜夜
浦吳潮亂一作春灘建水狂延平有風雨從此是驕驤

寄袁皓侍郎

東臺失路歧榮辱事堪悲我寢牛衣弊君居象角危風
塵慙上品才業愧明時千里芙蓉幕何由話所思

寄金吾李孫常侍

西班掌禁兵蘭錡最分明曉色嚴天仗春寒避火城安
危雖已任韜畧即嘉聲請問何功德壺闕冠始平

商驛典于蘊玉話別

南朝徐庾流洛下憶同遊酒采閒坊菊山登遠寺樓相

思勞寄夢偶別已經秋還被青青桂催君不自由

封禪寺居

盛禮何由覩嘉名偶寄居周南太史淚蠻徼長一作卿

書砌竹搖風直庭花泣一作滴露踈誰能賦秋興千里隔

吾廬

錢

志士不敢道貯之成禍胎小人無事藝假爾作梯媒解
釋愁腸結能分睡眠開朱門狼虎性一半逐君回

投寄常右丞

赤壁徵文聘中臺拜却說官資一作參令僕曹署豁一作轄一作星

辰襟被從誰起持綱自此新舉朝明典教一作舉明封一作朝典數

納詔書頻禁樹曾搗藻臺烏舊避塵便應酬倚注何處

話一作窮鱗

紅葉

不奈荒城畔那堪晚照中野晴霜浥綠山冷雨催紅遊

子灞陵道美人長信宮寺閒居一作歲暮搖落意無窮

羅隱

期徐道者不至

遼鶴虛空語冥鴻未易親偶然來卽是心擬見無因霜
霰窮冬冷杯盤旅舍貧只應薊子訓醉後嬾分身

歲除夜

官曆行將盡却醪強自傾嚴寒思暖律畏老惜殘更歲
月已如此寇戎猶未平兒童不諳事歌吹待天明

雪

盡道豐年瑞豐年事若何長安有貧者為瑞不宜多

旅夢

旅夢思遷次窮愁有歎嗟子鷺京口遠粳米會稽餘漏
澀纒成滴燈寒不作花出門聊一望蟾桂向人斜

秋寄張坤

庭樹已黃落閉門俱寂寥未知棲託處空羨聖明朝酒
醒鄉心濶雲情客思遙吾徒自多感顏子只箪瓢

傷華髮

舊國迢迢遠清秋種種新已衰曾軫慮初見忽沾巾日

薄梳兼嬾根危鑷恐頻青銅不自見只擬老他人

九江早秋

雨過晚涼生樓中枕簟清海風吹亂木岩磬落孤城百
歲幾多日四蹄無限塵西隣莫高唱俱是別離情

初秋寄友人

九華曾屏跡懼亂典心違是處堪終老新秋又未歸病
中芳艸歇愁裏白雲飛樵侶兼同志音書近又一作稀

秋居有寄

端居湖岸東生計有無中覽處千般鬼寒時百種風性
靈從道拙心事奈成空多謝金臺客何當一笑同

雪霽

南山雪下晴寒氣轉崢嶸鎖却閒門出隨他駿馬行一
竿如有計五鼎豈須烹秋見天街艸青青又欲生

堠子

終日路歧傍前程亦可量未能慙面黑只是恨頭方雅
肯逾千里高文近兩行君知不識字第一莫形相

初夏寄顧紹宗

江上偶分袂，四回寒暑更。青山無路入，白髮滿頭生。鄢浦雁尋過，鏡湖蟬又鳴。憐君未歸日，杯酒若為情。

○寄第五尊師

茗溪煙月久，因循野鶴衣。裘獨重綸，只說泊船無定處。不知携手是何人，朱黃揀日囚尸鬼。青白臨時注腦神，欲訪先生問經訣。世間難得自由身。

○寄西華黃鍊師

西華有路入中華，依約山川認永嘉。羽客昔時留篠蕩，故人今又種煙霞。壇高已降三清鶴，海近應通八月槎。盛事兩般君總得，老萊衣服戴顯家。

○西息

西上青雲未有期，東浮滄海去一作何遲。酒闌夢覺不稱意，花落月一作眼明空所思。長恐病一作老侵多事一作病，日可堪忙過少年時。聞鷄走犬五陵道，惆悵輸他輕薄兒。

中元夜看月

朦朧南溟月洶湧出雲濤下射長鯨眼遙分玉兔豪勢
來斗牛動路越霄冥高竟夕瞻光彩昂頭把白醪

庭花

昨日芳艷濃開樽幾同醉今朝風雨惡惆悵人生事南
威病不起西子老兼至向晚寂無人相偎墮紅淚

○送支使蕭中丞赴闕

八年刀筆別京華歸去青冥路未賒今日風流卿相客

舊時基業帝王家彤庭彩鳳雖添瑞望府紅蓮已減花
從此常僚如有問海邊麋鹿斗邊槎

○送人歸湘中兼寄舊知

青溪煙雨九華山亂後應同夢寐間萬里分飛休掩袂
兩旬相見且開顏君依宰府一作相貂蟬貴我戀王門鬢
髮班為謝伏波筵上客幾時金印擬西還

○自貽

衰老應誰更進趨藥畦經卷自朝晡縱無顯效一作亦

藏拙若有所成井守株漢武巡遊虛軋軋秦皇吞併謾
驅驅如何只見丁家鶴依舊遼東歎綠蕪

○暇日感懷因寄同院吳蛻拾遺

璧池清秩訪燕臺曾捧瀛洲札翰來今日二難俱大夜
當時三幅謾高才戲悲槐市便便筭狂憶樟亭滿滿杯
猶幸小蘭同舍在每因相見即銜哀

偶興

逐隊隨行二十春曲江池畔避車塵如今贏得將衰老

閒看人間得意人

題鑿石山僧院

日夜潮聲送是非一迴登眺一忘機憐師好事無人見
不把蘭芽染褐衣

圍城偶作

東望陳留日欲曛每因刀筆想夫君自從郭泰碑銘後
只見黃金不見文

烏程

兩府攀陪十五年郡中甘雨幕中蓮一餅猶是烏程酒
須對霜風變泫然

○送楊鍊師却歸真浩巖

宦途不復更經營歸去東南任意行別後幾回思會面
到來相見似前生久居竹蓋知勤苦舊業蓮峰想變更
為謝佯狂吳道士耳中時有鐵船聲

○暇日投錢尚父

牛斗星邊女宿間棟梁虛故麗江關望高漢相東西閣

前移在

名重淮王大小山醴設闔傾金鑿落馬歸爭撼玉連環
自慙麋鹿無能事未報深恩鬢已斑

○覽香史

張翰思吳中
鱸膾蓴羹

齊王僚屬好男兒偶覓東歸便得歸滿目路歧拋侶夢
一船風雨忒如飛盤擎紫綫蓴初熟筋撥紅絲膾正肥
惆悵中途無限事與君千載兩忘機

○感別无師尚父二首

玉函瑤檢下台司記得當年一作時捧領時半壁龍蛇蟠

羅隱

卷五百九十六

十四

憑古皆作馮通用

造化滿筐山岳動神祇疲牛舐犢心猶切陰鶴鳴鷓力

已衰稚子不才身抱疾日窺真跡淚雙垂此隱以子為托也隱子名中

尚父偶建小樓特摘麗藻絕句不敢稱揚三首

結構叨憑柱石才敢期旌蓋此襄徇陽春曲調高難和

盡日焚香倚隗臺

璫簪未履愧非才時凭闌干首重咽只待淮妖翦除後

別傾卮酒賀行臺

闌檻初成愧楚才不知星彩尚迢迢風流孔令陶鈞外

猶記山妖逼小臺

題玄同先生草堂三首閩丘方遠有道術隱於杭大滌山景福中
吳越王奏請賜紫號玄同先生重建天柱宮以
居一日作桂樹生而遊

杳杳諸天路蒼蒼大滌山景輿留不得毛節去應閒相

府舊知己教門新啓闕太平匡濟術流落在人間

先生訣行日曾奉教行書意密尋難會情深恨有餘石

橋春暖後旬漏藥成初珍重雲兼鶴從來不定居

常時憶討論歷歷事猶存酒向餘杭盡雲從大滌昏往

來無道侶歸去有台恩自此玄言絕長應閉洞門

羅隱

卷五百九十六

十五

隱亂自注

城西作

從軍無一事終日揜空齋道薄交游少才疎進取乖野
禽鳴聒耳庭艸綠侵堦幸自同檇櫟何妨愜所懷

冬暮城西晚眺

謬忝蓮華幕虛沾柏署官歎危長抱疾衰老不禁寒時
事已日過世途行轉難千崖兼萬壑只向望中看

秋霽後

淨碧山光冷圓明露點勻渚蓮丹臉恨堤柳翠眉顰蟬

已送行客雁應辭主人蠅蚊漸無况日晚自相親

茅齋

從事不從事養生非養生戚為尸祿本官是受恩名時
態已相失歲華徒自驚西齋一卮酒衰老與誰傾

使者

使者銜中旨崎嶇萬里行人心猶未草天意侶難明四
海霍光第六宮張奉營陪臣無以報西望不勝情

途中逢劉知遠

吳楚煙波裏，巢由季孟間。只言無事貴，不道致身閒。別渚蓮根斷，歸心桂樹頑。空勞鍾璞意，塵世隔函關。

道跡

道跡知安住，沾襟欲奈何。朝廷猶禮樂，郡邑恐干戈。華馬憑誰問，胡塵自此多。因思漢明帝，中夜憶廉頗。

隴頭水

借問隴頭水，年年恨何事。全疑嗚咽聲，中有征人淚。自古無長策，况我非深智。何計謝潺湲，一宵空不寐。

明帝猶言明主也諸本全

秦中富人

高高起華堂，區區引流水。糞土金玉珍，猶嫌未奢侈。陋巷滿蓬蒿，誰知有顏子。

思歸行

不畊南畝田，為愛東堂桂。身同樹上花，一落又經歲。交親益相薄，知己恩潛替。日開十二門，自是無歸計。

○即事 中元甲子

三秦流血已成川，塞上黃雲戰馬閒。只有羸兵填渭水。

羅隱

卷五百九十六

十七

終無奇士出商山田園已沒紅塵內弟姪相逢白刃間
惆悵翠華猶未返淚痕空滴劍文斑

○魏城逢故人

才調集作綿谷
迴寄蔡氏昆仲

一年兩度錦江城一作遊前值東風後值秋芳州有情皆

礙馬好雲無處不遮樓山將離恨知心一作和愁動一作斷一作水

帶離聲入夢流今日因君試回首澹一作煙喬一作高一作木

隔絳州

○遊江夏口

醉別江東酒一盃往年曾此駐塵埃魚聽建業歌聲過
水看瞿塘雪影來黃祖不能容賤客費禘終是負僂才
平生膽氣平生恨今日江邊首懶迴

○春思

蕩漾春風漾侶波惹情搖恨去嗒嗒燕翻永日音聲好
柳舞空城意緒多蜀國暖迴溪峽一作浪衛娘清轉過
雲歌可憐戶外桃兼李仲蔚蓬蒿奈爾何

○黃鶴驛寓題

羅隱

野雲芳州遠離鞭敢對青樓倚少年秋色來催榆塞雁
人心先下洞庭船高歌酒市非狂者大嚼屠門亦偶然
車馬同歸莫同恨古人頭白盡林泉

○安陸贈徐礪

靈虵橋下水聲聲曾向橋邊話別情一榻依然陳太守
二年深恨憶一作禰先生塵欺髮色非前事火蕪蓬根有
去程還把餘杯重相勸不堪秋色背鄖城

○寄鍾常侍

一從朱履步金臺藜苦冰寒奉上台峻鄙不由人學得
遠途終是自將來風高漸展摩天翼幹聳方呈構厦材
應笑樟高舊同舍九州無驗滿爐灰

中秋夜不見月

陰雲薄算上空虛此夕清光共一作破除只恐異時開
霽後玉輪依舊養蟾蜍

○魏博羅令公附卷有迴

寒門雖得在諸宗棲北菓南恨不同馬上固慙消髀肉

唐詩
幄中由羨愈頭風
蹉跎歲月心仍切
迨遍江山夢未通
深荷吾宗有知己
好將刀筆為紀事英雄作當

○寄處默師

甘露卷簾看雨脚
樟亭倚柱望潮頭
十年願我醉中過
兩地與師方外遊
久隔兵戈常寄夢
近無書信更堪憂
香爐煙靄席溪月
終棹鐵船尋惠休

○病中上錢尚父

左脚方行右臂攣
每慙名跡汗賓筵
縱饒吳主容衰病

移入前

爭奈燕臺費料錢
藜杖已乾誰再把
竹輦雖在不堪懸
深恩重德無言處
迴首浮生淚泫然

病中題主人庭鶴

遼水華苑亭舊所聞
病中毛羽最憐君
稻粱且足身兼健
何心青雲與白雲

蟬

天地工夫一不遺
與君聲調借君緜
風棲露飽今如此
應忘當年滓濁時

羅隱

卷五百九十六

二十

唐詩
淮南送節度盧端公將命之汴州端公常為汴
州相公從事

吹臺高倚圃田東北去
輶車事分同珠履
舊叅蕭相國
綵衣今佐晉司空
醉離淮甸寒星下
吟指梁園密雪中
到彼的知宣室語
幾時微拜黑頭公

○送梅處士歸寧國

十五年前即別君
別時天下未紛紛
亂離且喜身俱在
存沒那堪耳更聞
良會謾勞悲曩跡
舊交誰去弔荒墳

殷勤為謝逃名客
想望千秋嶺上雲

○華觀

經故友所居
英華作瓊瑤觀
經故人所居

槐花漠漠向人黃
此地追遊跡已荒
清論不知莊一作蒙

雙達死交空嘆趙
岐忙一作亡病來未忍言
閒事老去唯

知應一作應覓醉鄉
日暮街東策羸馬
一聲橫笛似山陽

杜處士新居

翠歛王孫艸
荒誅宋玉茅
冠餘無故物
時薄少深交
迸筍侵一作穿行
逕飢雛出壞巢
小園吾亦有多病
近來拋

羅隱

卷五百九十六

二十一

絕境

絕境非身事流年但物華水梳落髮直風引蕙心斜凡
客從顯鳳霄音未勝蛙小船兼有槩始與問漁家

雪中懷友人

臘酒復臘雪故人今越鄉所思誰把醜端坐恨無航兔
苑舊遊盡龜臺仙路長未知鄒孟子何以奉梁王

秋晚

宰邑慙良術為文愧壯圖縱饒長委命爭奈漸非夫杯

酒有時有亂離無處無金庭在何域回首一踟躕

昇僊橋

危梁枕路歧駐馬問前時價自友朋得名因婦女知直
須論運命不得逞文詞執戟君鄉里榮華更若為

姑蘓真孃墓

春艸荒墳墓萋萋向甬丘死猶嫌寂寞生肯不風流皎
鏡山泉冷輕裾海霧秋還應伴西子香逕夜深遊

靈山寺

江東集作仙甲乙
集作逸別本而作
仙既詩語似是還
字

唐詩
晚景聊攄抱憑欄幾蕩視檻虛從四面江濶奈孤根幽
徑薜蘿色小山苔蘚痕欲依師問道何處繫心猿

倚擢

倚擢聽鄰笛沾衣認酒壚自緣悲巨室誰更為窮途樹
解將軍夢城遺御史烏直應齊始了傾酌向寒蕪

秋夕對月

夜月色可掬倚樓聊解顏未能分寇盜徒欲滿關山背
冷金蟾滑毛寒玉兔頑姮娥謾偷藥長寡老中間

寄徵士魏員外

家遁蘓門節清貧粉署官不矜朝命重只恨路行難
曉鷄譚倦庭秋蛩夢闌羨君歸未得還有釣魚竿

宿彭蠡館

孤館少年行一作旅解鞍增別愁遠山矜薄暮高柳恹清
秋病裏見時態醉中思舊遊所懷今已矣何心恨東流

螢

空庭一作夜未央點點度西一作墻抱影何微細乘時

忽發揚不思曾腐州便擬倚孤光若道通文翰一作能
車公業肯長

早秋宿葉墮所居

池荷葉正圓長曆曆報時殫曠野雲蒸熱空庭雨始
寒蠅蚊猶得志簟席若為安浮世知誰是勞歌共一懽

蝶

漢王刀筆精寫爾逼天生舞巧何妨急飛高所恨輕野
田黃雀慮山館主人情此物那堪作莊周夢未成

春居

春風百卉搖舊國路迢迢偶病成踈散因貧得寂寥倚
檐高柳弱乘露小挑妖一作天春色常無處却醪更一瓢

輕颺

輕颺掠晚莎秋物慘關河戰壘平時少齋壇上處多楚
雖屈子重漢亦憶廉頗不及雲臺議空山老薜蘿

葵

不尤嫌漂露何妨養羽毛漢妃金屋遠盧女杏梁高野

迥雙飛急煙晴對語勞猶勝黃雀在棲息是蓬蒿

陝西晚思

長途已自窮此去更西東樹色榮衰裏人心往返中別
情流水急歸意故山空莫忘交遊分從來事一同

除夜寄張達

梅花已著眼竹葉况粘脣只此留殘歲那堪憶故人乱
離書不遠疑作衰病日相親江浦思歸意明年又一春

鄴王羅令公五首

營室東迴廕斥一作赤丘少年承襲擁青油坐調金鼎尊

明主橫把瑀戈拜一作列侯書札二王爭巧拙

篇章七子避一作謝風流西園舊跡今應在衰老無由奉

勝遊鄴地堂壁分野斥丘對下石名俗本作亦無誤

脈散源分歷幾朝縱然官宦只卑一作賓僚正憂末派淪

滄海忽見高枝拂絳霄十萬貔貅趨玉帳三千賓客珥

金貂良時難得吾宗少應念寒門一作寒門更一作更寂

寥

羅隱

敢將衰弱附強宗
細算還緣血脈同
湘浦煙波無舊跡
鄴都蘭菊有遺風
每憐離亂書猶達
所恨雲泥路不通
珍重珠璣兼繡段
卅玄堂下寄揚雄

水雲開霽立高亭
依約黎陽對福星
只見篇章矜鏤管
不知勲業柱青冥
早緣入夢金方礪
晚為傳家鼎始銘
鶴髮四垂煙閣遠
此生何處拜儀形

錦笈朱囊連復連
紫鷲颯下浙江邊
綃從海室奪煙霧

樂奏帝宮勝管絃
長笑應劉悲顯達
每嫌伊霍少詩篇

稍當作漫書當作

戴灣老圃根基薄
虛費工夫八十年

春日投錢塘元師尚父二首

正憂衰老老一作老辱金臺
敢望昭王顧問來
門外旌旗屯

豹虎壁間章句動
風雷三都節已聯
翩降西地花應次第
開若比紫髯分鼎足
未聞餘力有瓊瓌

征東幕府十三州
敢望非才忝上游
官秩已叨吳品職
姓名兼顯魯春秋
鹽車顧後聲方動
火井窺來焰始浮

一句黃河千載事
麥城王粲謾登樓

○ 錢塘府亭

新恩別啓館娃宮
還拜吳王向北中
九牧土田周制在
西藩茅社漢儀同
春生舊苑芳洲雨
香入高臺小徑風
更有寵光人未見
問安調膳盡三公

野狐泉

滴滴寒光濺路塵
相傳妖物此潛身
又應改換皮毛後
何處人間作好人

宿紀南驛

策蹇南遊憶楚朝
陰風淅淅樹蕭蕭
不知無忌奸邪骨
又作何山野葛苗

贈無相禪師

人人盡道事空王
心裏忙於市井忙
惟有馬當山上客
死門生路兩相忘

遣興

青雲路不通
歸計奈長蒙
老恐醫方誤
窮憂酒醜空
何堪離亂後
更入是非中
長短遭譏笑
迴頭避釣翁

江夏酬高崇節

臘雪都堂試春風汴水行十年雖抱疾何處不無情群
盜正當路此游應隔生勞君問流落山下已躬耕

鷺聲

井上梧桐暗花間霧露稀一枝晴復暖百轉是兼非金
屋夢初覺玉闌人未歸不堪聞日聽因爾又沾衣

效玉臺體

青樓枕路隅壁甃復林塗晚夢通簾栊春寒逼酒壚解

吟憐芍藥難見恨菖蒲試問年多少隣姬亦姓胡

